



Malik Berthelsen, Siumut  
Inatsisartunut ilaasortaq

16. juni 2010  
Sagsnr. 2010-032293  
Dok. Nr. 392791

Postboks 1029  
3900 Nuuk  
Tlf: +299 34 50 00  
Fax: +299 32 20 73  
Email: kiin@nanoq.gl  
www.nanoq.gl

**§ 36, imm. 1 naapertorlugu Naalakkersuisunut apeqquteqaatinnut akissut.**

Inatsisartut suleriaasianni § 36, imm. 1 naapertorlugu 4. juni 2010-mi Naalakkersuisunut ima apeqquteqarputit:

1. **Oqaatsinut politikki pillugu Inatsisartut Inatsisaannut tunngatillugu Naalakkersuisunut apeqqutigerusuppara § 4, imm. 1 aamma 3-mik "unioqqutitsisut" qanoq isillutik unioqqutitsisut inissisimalersinnaanersut?**
2. **Aamma Kapitali 2, § 4, imm. 3-mut tunngatillugu apeqqutigerusuppara suliffeqarfiit pikkorissartitsissappata pikkorissarnerat kiap akilissaneraa?**

Akissut:

1: § 4, imm. 1 aamma imm. 3-mik unioqqutitsisut qanoq isillutik unioqqutitsisut inissisimalersinnaanersut apeqqutigivat. Inatsimmi § 6, imm. 2-mi allaqqavoq suliffeqarfiit namminersortut, pisortani oqartussaasut sullissiveqarfiillu nakkutilliisoqarfimmit qinnuigineqarnermikkut suliffeqarfiup, oqartussaasut sullissiveqarfiulluunniit oqaatsinut politikkiannik nassiussissasut, ilanngullugu § 4, imm. 3-mi pineqartut pisimanerinit uppersaallutik. Kingusinnerpaamik suliffeqarfanni ataasiakkaani oqaatsinut politikki ulloq 1. oktober 2010 naammassereersimassavaat.

Nakkutilliisoqarfiup nakkutigissavaa suliffeqarfiit assigiinngitsut pisussaaffimminnik naammassinnissimanersut, taamaattoqanngippallu nalilersuineq ingerlanneqassaaq unioqqutitsisisoqarsimappallu akiliisitsinermik kinguneqarsinnaavoq.

2: Suliffeqarfiit namminersortut aammalu pisortanit ingerlanneqartut sulisuminnik ineriartornissaannut assigiinngitsutigut pikkorissarneqarnissaannik periarfissiisarput. Taamaattumik naatsorsuutigineqarsinnaavoq suliffeqarfiit assigiinngitsut aningaasatigut ukiumut missingersuusiorminni sulisut pisariaqartitaat aallaavigalugit qanoq annertutigisumik pikkorissarnissamut ilinniaqqinnissamullu immikkoortitsisarnerat.

Oqaatsinik Pikkorissarfiup nammineq aaqqissukkaminnik imaluunniit suliffeqarfiit, namminersortut pisortallu suliffiutaat suleqatigalugit kalaallisut, danskisut tuluttullu ilinniartitsinerit ingerlattarpaat. Taamaattumik suliffeqarfiit sulisuminnik oqaatsitigut pikkorissarneqarnissaminnut pisariaqartitsisut neqerooruteqarsinnaapput aammalu

kiffaanngissuseqarlutik periarfissanik allanik ujartuisinnaallutik, soorlu Nukissiorfiit TELE-lu taamaalorsimasut.

Namminersorlutik ingerlatsisut aammalu pisortat ingerlatsivii pisortatullu oqartussaasut sulisuminnik kalaallisut pisariaqartitsisut, danskisut tuluttulluunniit pisariaqartitsisut aammalu kalaallit kulturiannik, oqaluttuarisaanerannik inuiaqatigiinnilu pissutsinik ilinniartinneqarnissamik pisariaqartitsisut neqeroorfigissavaat. Tamannalu isumaqarpoq suliffeqarfiit namminneq pikkorissartitsinernut aningaasartuutaajumaartunik matussusiissasut.

Inussiarnersumik inuulluaqqusilluta

Mimi Karlsen